



Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 25. Quæstio Cainonensis.

[urn:nbn:de:hbz:466:1-67012](https://nbn-resolving.de/urn:nbn:de:hbz:466:1-67012)

proventibus Ordinis usque ad concilium Sæcul. XIV.
generale, quod tum statutum est. In A.C. 1308.
terea dum Rex Pictaviⁱⁱ erat, vocabantur
illuc Magnus Magister & complures E-
quites, Papæ Regisque voluntatem au-
dituri: sed modico post tempore ad pri-
mos carceres suos reducti sunt.

§. XXV.

Quæstio Cainonensis.

Cum aliqui horum Equitum advenire
Pictavium non potuissent, sed ægri
mansissent Cainone in Turonia, Papa
tres illuc Cardinales misit, qui quæstio-
nem de illis haberent. Equites erant *Dupui. p. 118*
quinque, Magnus Magister Templi, Be-
neficiarius in Cypro, Inspector Galliae, ac *Bal. to. 2.*
duo Beneficiarii in Aquitania & Norma-
nia. Cardinales erant Berengarius Fre-
dolius, Stephanus Susi^s, & Landulphus
Brancacius. Sabbato post assumptam
in cœlum SS. Virginem 17 Augusti ac-
cessito Beneficiario Cyprio malefactis,
de quibus Ordo infamatus esset, exposi-
tis injunxere juramentum. Agnito de-
licito suo fassus est se defecisse a Do-
mino Nostro, & juxta crucem spuisse.
Beneficiarius Normannicus abdicatio-
nem fidei pariter est confessus. Dein,
cum Beneficiarii Pictonicus, Normanni-
cus, & Aquitanicus simul essent, Picto-
nicus,

Sæcul. XIV. nicus fatebatur se illi, a quo receptus
 A.C. 1308. fuisset in Ordinem, promisso, si Fratres
 ipsum sui rogarent, an abnegasset Deum,
 fore, ut id affirmaret.

Postera die dominica 18 Augusti
 Cardinales mane acciri ad se jussérunt
 Fratrem Hugonem Paraldum, ac ve-
 spere ultimum Magistrum Magnum: qui
 auditis accusationis capitibus postulatum
 usque ad diem proximam deliberandi
 spatium impetrabant. Die lunæ igitur
 Frater Hugo in confessione Parisiis facta
 persistens speciatim dicebat se Christo
 renunciasse fidem, & caput seu idolum
 illud vidisse. Tandem sequente die Mar-
 tis Magnus Magister confessus est se Deo
 nuncium remisisse; atque Cardinales o-
 ravit, ut fratrem ipsi servientem, quem
 haberet secum, audirent: qui est idem
 fassus. Omnes hæ confessiones redactæ
 sunt in formam authoritate valentem.
 Tum accusati petebant absolutionem a
 censuris, in quas incurrisserint: & Cardi-
 nales illam eis dederunt. Hæc videmus
 in epistola, quam ad Regem Philippum
 hac super re scripsérunt Cainone eodem
 die Martis 20 Aug. 1308.

§. XXVI.